

明倫彙編

皇極典

古今圖書集成

中華書局
已刊書社

明倫彙編 皇極典

古今圖書集成

中華書局 巴蜀書社

欽定古今圖書集成明倫彙編皇極典

第九十五卷目錄

帝紀部彙考八十九

宋十一

高宗一

皇極典第九十五卷

帝紀部彙考八十九

宋十一

高宗本紀一

按宋史高宗本紀高宗受命中興全功至德聖神武
文昭仁惠孝皇帝諱構字德基徽宗第九子母曰顯
仁皇后章氏大觀元年五月乙巳生東京之大內赤
光照室八月丁丑賜名授定武軍節度使檢校太尉
封蜀國公二年正月庚申封廣平郡王宣和三年十
二月壬子進封康王資性明悟博學強記讀書日誦
千餘言挽弓至一石五十宣和四年始冠出就外第
靖康元年春正月金人犯京師軍於城西北遣使入
城邀親王宰臣議和軍中朝廷方遣同知樞密院事
李稅等使金議割太原中山河間三鎮遣宰臣授地
親王送大軍過河欽宗召帝諭指帝慷慨請行遂命
少宰張邦昌為計議使與帝俱金帥離不置之軍
中旬日帝意氣閒暇二月會京畿宣撫司都統制姚
平仲夜襲金人皆不克金人見貴邦昌恐懼涕泣帝

二二八

明倫彙編皇極典第九十五卷帝紀部

不為動幹離不異之更請肅王癸卯肅王至軍中許
割三鎮地進邦昌為太宰留質軍中帝始得還金兵
退復遣給事中王雲使金以租賦贖三鎮地又以蠟
書結遼降將耶律余覲為金人所得八月金帥粘罕
復引兵深入陷太原幹離不為真定冬十月王雲從
吏自金先還言金人須帝再至乃議和雲歸言金人
堅欲得地不然進兵取汴都十一月詔帝使河北奉
袞冕玉絡尊金主為伯上尊號十八字被命即發京
師以門下侍郎耿南仲主和議請與俱乃以其子中
書舍人延禧為參議官偕行帝由滑潯至磁州守臣
宗澤請曰肅王去不返金兵已迫復去何益請肅王
磁人以雲將挾帝入金遂殺雲時粘罕幹離不已率
兵渡河相繼圍京師從者以磁不可留知相州汪伯
彥亦以蠟書請帝還相州閏月耿南仲馳至相見帝
致辭以面受欽宗之旨盡起河北兵入衛帝乃同南
仲募兵勤王初朝廷聞金兵渡河欲拜帝為元帥至
是殿中侍御史胡唐老復申元帥之議尚書右僕射
何臬擬詔書以進欽宗遣閣門祇候秦仔持蠟詔至
相拜帝為河北兵馬大元帥知中山府陳亨伯為元
帥汪伯彥宗澤為副元帥於項髮中出詔帝讀之
嗚咽兵民感動十二月壬戌朔帝開大元帥府有兵
萬人分為五軍命武顯大夫陳洋都統制軍馬閣門
祇候侯章齋蠟書至自京師詔帝盡發河北兵命守
臣自將帝乃下令諸郡守與諸將議引兵渡河乙亥
帝率兵離相州丙子履冰渡河丁丑次大名府宗澤
以二千人先請軍至知信德府梁揚祖以三千人繼
至張俊苗傅楊沂中田師中皆在麾下兵威稍振會

簽書樞密院事曹輔齋蠟詔至云金人登城不下方
議和好可屯兵近甸毋輕動汪伯彥等皆信和議惟
宗澤請直趨澶淵為壁大第解京城之圍伯彥南仲
請移軍東平帝遂遣澤以萬人進屯澶淵揚言帝在
軍中自是澤不復預府中謀議帝決意趨東平庚寅
帝發大名
建炎元年春正月癸巳帝至東平初帝軍在相州京
城圍入中外莫知帝處及是陳請四集取決帥府王
實為陽關路安撫使黃潛善總管楊惟忠亦部兵數
千至東平命潛善進屯與仁留惟忠為元帥都統制
金人聞帝在澶淵遣甲士及中書舍人張澈來召宗
澤命壯士射之澈乃遁伯彥等請帝如濟州二月庚
辰發東平癸未次濟州時帥府官軍及羣盜來歸者
號百萬分屯濟州諸州府而諸路勤王兵不得進
二帝已在金人軍中三月丁酉金人立張邦昌為帝
稱大楚黃潛善以告帝帝痛哭條屬欲奉帝駐軍宿州
謀渡江左帝聞三軍籍籍遂輒承制以宗澤為徽猷
閣待制丁巳幹離不退師徽宗北還戊午承制以汪
伯彥為顯謨閣待制充元帥潛善為徽猷閣待制充
副元帥夏四月粘罕退師欽宗北還癸亥邦昌尊元
祐皇后為宋太后遣人至濟州訪帝又遣吏部尚書
謝克家來迎耿南仲率幕僚勸進帝避席流涕辭
不受伯彥等引天命人心為請且謂靖康紀元為十
二月立康之兆帝曰當更思之以知準軍府趙子崧
為實文閣學士元帥府參議官東南道總管統東南
勤王兵邦昌遣閣門宣贊舍人蔣師愈等持書詣帝
自言從權濟事及將歸實避位之意帝亦貽諸師書

二七二四九

以未得至京已至者母輒入聞資政殿大學士領開封府事李綱在湖北遺劉欽持書訪之又諭宗澤等以受僞命之人義當誅討然慮事出權宜未可輕動澤復書謂邦昌真蹤跡已無可疑宜早正天位與復社稷不可不斷門下侍郎呂好問亦以蠟書來言帝不自立恐有不當立而立者丁卯謝克家以宋未受命之實至濟州帝慟哭跪受命克家還京師趣辦餼物戊辰濟州父老詣軍門言州四旁望見城中火光屬天請帝即位於濟會宗澤來言南京乃藝祖興王之地取四方中漕運尤易遂決意趨應天是夕邦昌手書上延福宮太后尊號曰元祐皇后入居禁中以尚書左丞馮海為奉迎使皇后又遣兄子衡尉少卿孟忠厚持手書遣帝皇后垂簾聽政邦昌權尚書左僕射率在京百官上表勸進不許甲戌皇后手書告中外俾帝嗣統乙亥百官再上表又不許丁丑馮海等至濟州百官三上表許以權聽國事戊寅命宗澤先勦兵分駐長垣韋城等縣以備非常東道副總管朱勝非至濟州宣撫司統制官韓世忠以兵來會庚辰帝發濟州鄭延副總管劉光世自陳州來會以尤世為五軍都提舉辛巳次單州壬午次虞城縣西道都統管王襄自襄陽來會癸未至應天府皇后詔有司備法駕儀仗乙酉張邦昌至伏地慟哭請死帝慰撫之承制以汪伯彥為顯謨閣直學士黃潛書為徽猷閣直學士權吏部尚書王時雍等奉乘輿服御至羣臣勸進者益衆命有司築壇府門之左五月庚寅朔帝登壇受命禮畢慟哭遙謝二帝即位於府治政元建炎大赦常赦所不原者咸赦除之張邦昌及

應於供奉金國之人一切不問命西京留守司修奉祖宗陵寢罷天下神霄宮住散青苗錢應死節及歿於王者並推恩奉使未還者祿其家一年應選人並循資已係承直郎者改次等京官臣僚因亂去官者限一月還任濱兵羣盜咸許自新免係官欠負滿南京及元帥府常駐軍一月以上州縣夏稅應天府特奏名舉人並與同進士出身免解人與免省諸路特奏名三舉以上及宗室嘗預貢者並推恩應募兵勤王人以兵付州縣主兵官聽赴行在中外臣庶許言民間疾苦雖詆訐亦不加罪命官犯罪更不取特旨裁斷禁京童貢朱勳李彥孟昌齡梁師成譚祺及其子孫更不收敘內外大臣限十日各舉布衣有材略者一人餘如故事以黃潛書為中書侍郎汪伯彥同知樞密院事元祐皇后在東京是日徽徽辛卯遙尊乾龍皇帝為孝慈淵聖皇帝元祐皇后為元祐太后詔史官辨宣仁聖烈皇后誣謗景靈宮於江寧府壬辰以張邦昌為太保奉國軍節度使同安郡王五日一起都堂參決大事以河東北宣撫使范訥為京城留守癸巳遙尊帝母章賢妃為宣和皇后遙立嘉國夫人邢氏為皇后秋仲午罷甲午以李綱為尚書右僕射兼中書侍郎赴行在楊惟忠為建武軍節度使主管殿前司公事罷諸盜及民兵之為統制者簡其士馬隸五軍乙未以生辰為天申節馮海罷以兵部尚書呂好問為尚書右丞命申節馮海罷後軍統制張樸率兵萬人趣河間府追擊金人丙申以呂好問兼門下侍郎丁酉以黃潛書兼御營使汪伯彥副之具定府路副總管王淵為都統制鄭延路

副總管劉光世提舉一行事務王時雍黃州安置命統制官薛廣張瑒率兵六千人會河北山水砦義兵共復磁相戊戌以資政殿學士路允迪為京城撫諭使龍圖閣學士耿延禧副之贈吏部侍郎李若水觀文殿學士諡忠愍乙亥召太學生陳東赴行在李綱至江寧誅叛卒周德等庚子詔以靖康大臣王和吳國黃李邦彥為建寧軍節度副使漳州安置徙吳敏柳州蔡懋英州李悅宇文虛中鄭望之李邦皆以使金請割地責廣南諸州並安置辛丑詔張邦昌知後達變動在社稷如文彥博個月兩赴都堂壬寅封後官潘氏為賢妃以江淮將運使梁揚祖提領東南茶鹽事癸卯天申節罷百官上壽乙巳賜諸路勤王兵還營者錢人三千丙午以誣謗宣仁聖烈皇后追貶蔡確蔡卞邢昺蔡懋官以保靜軍節度使姚古知河南府金人陷河中府權府事郝仲連死之丁未徽宗至燕山府庚戌以宗澤為龍圖閣學士知襄陽府壬子進張邦昌太傅丙辰罷監察御史張所尋貴江州安置丁巳詔成都京兆襄陽荆南江寧府鄧揚二州儲養糧修城壘以備巡幸以簽書樞密院事張叔夜嘗援京城力戰從徽宗北行遙命為觀文殿大學士醴泉觀使戊午右諫議大夫范宗尹罷趙太常少卿周望使河北軍前通問二帝西道總管王襄北道總管趙野坐劾王穰緩並分司襄陽府青州居住尋責襄未州野邵州並安置六月己未朔李綱入見上十議曰國是巡幸赦令偕逆偶命職守本政責成修德以前殿前副都指揮使王宗澧引衛兵遁逃致都城失守責官邵州安置徽猷閣直學士徐棄哲假資政

殿學士爲大金通同使兼哲辭庚申封靖康軍節度使仲湜嗣漢王黏罕還屯雲中辛酉命新任郎官未經上殿者並引對御史中丞顏岐罷徐秉哲責官梅州安置詔河北京陝淮湖江浙州軍縣鎮募人修築城壁壬戌置登聞鼓鼓院癸亥以黃潛善爲門下侍郎兼樞密中書侍郎張邦昌坐僭逆責降昭化軍節度副使潭州安置及受僞命臣僚王時雍高州吳升永州莫傳全州李擇柳州孫觀歸州並安置顏博文王紹以下論罪有差以知懷州霍安國河東宣撫使劉給死節贈安國延康殿學士幹資政殿大學士甲子命李綱兼御營使乙丑以龍神衛四廂都指揮使馬忠爲河北經制使措置民兵洪智龍左諫議大夫下臺獄丁卯以祠部員外郎喻汝礪爲四川撫諭督清計羨緒及常平錢物罷開封諸州軍府司錄曹掾官州軍通判二員者省其一權減宰執奉賜三之一省諸路提舉常平司兩浙福建提舉市舶司賊李孝忠寇襄陽守臣黃叔敷棄城遁立格買馬辛未以子勇生大赦籍天下神霄宮錢穀充經費拘天下職田錢隸提刑司還元祐黨籍及上書人恩數癸酉詔陝西山東諸路帥臣團結軍民互相應援乙亥增諸縣弓手置武尉領之宗室叔向以所募勤王兵屯京師或言爲變命劉光世捕誅之戊寅以汪伯彥知樞密院事遣宣義郎傅雱使河東軍前通問二帝已卯置沿河沿淮沿江帥府十有九要郡三十九次要郡三十八帥守兼都總管守臣兼鈐轄都監監置軍九十六萬七千五百人別置水軍七十七將遣舟江淮諸路置三省樞密院賞功司東京留守范訥落節鎮蒲州

居住庚辰以二帝未還禁州縣用樂辛巳置沿河巡察六使壬午以戶部尚書張慤同知樞密院事兼提舉措置戶部財用癸未呂好問罷甲申併尚書戶部右曹所掌歸左曹命尚書總領乙酉以宗澤爲東京留守杜充爲北京留守罷監州州郡職田丙戌詔陝西河北京東西路募兵合十萬人更番入衛行在命京東西路造戰車丁亥以張所爲河北西路招撫使括買官民馬勒出財助國戊子以錢蓋爲陝西經制使封趙懷恩爲安化郡王因召五路兵赴行在秋七月己丑朔以樞密副都承旨王瓌爲河東經制使庚寅詔王淵劉光世統制官張俊喬仲福韓世忠分討陳州軍賊杜用京東賊李昱及黎驛魚蓋潰兵皆平之辛卯籍東南諸州神霄宮及贈學錢助國用敘右監門衛大將軍貴州團練使士瑋以磁洛義兵復洛州乙未以溫州觀察使范瑄爲定武軍承宣使御營司同都統制丙申賜諸路疆壯巡社名爲忠義巡社專隸安撫司戊戌欽宗至燕山府以忻州觀察使張換爲河北制置使東都宣武卒杜林謀據成都叛伏誅己亥詔省寺監繁簡相兼學官館職減舊制之半辛丑復議吳昇莫儔等十一人罪並廣南江湖諸州安置餘遷貶有差壬寅詔奉元祐太后如東南六宮及衛士家屬從行朕當獨留中原與金人決戰以延康殿學士許翰爲尚書右丞甲辰以右諫議大夫宋齊愈當金人謀立異姓書張邦昌姓名斬於都市乙巳手詔京師未可往當遣幸東南丙午詔定議巡幸南陽以觀文殿學士范致虛知鄧州修城池繕宮室輸餼穀以實之丁未遣官詣京師迎奉太廟神主

赴行在己酉罷四道都總管以尚書虞部員外郎張浚爲殿中侍御史庚戌徵諸道兵期八月會行在丙辰徽宗自燕山密遣開門宣贊舍人曹勛至賜帝絹半臂書其領曰便可即真來援父母帝泣以示輔臣張所傳亮軍發行在是月關中賊史斌犯興州僭號稱帝八月戊午朔洪芻等坐圍城日括金銀自盜及私納官人芻及余大均陳冲貨死流沙門島餘五人罪有差勝捷軍校陳通作亂於杭州執帥臣葉夢得殺漕臣吳昉己未元祐太后發京師庚申以劉光世爲奉國軍節度使韓世忠張俊皆進一官辛酉右司諫潘良貴罷壬戌以李綱爲尚書左僕射兼門下侍郎黃潛善爲右僕射兼中書侍郎張慤兼御營副使癸亥命御營使副大閱五軍庚午更號元祐太后爲隆祐太后辛未罷傅亮經制副使召赴行在壬申召布衣應定赴行在命御營統制辛道宗討陳邇是夕東北方有赤氣癸酉以耿南仲主和誤國南雄州安置乙亥用張浚言罷李綱左僕射丙子隆祐太后發南京命侍衛馬軍都指揮使郭仲荀護衛如江寧兼節制江淮荆浙閩廣諸州制置東南盜賊丁丑以龍圖閣直學士錢伯言知杭州節制兩浙東將兵及福建槍杖手討陳邇庚辰降榜招諭杭州亂兵壬午用黃潛善議殺上書太學生陳東崇仁布衣歐陽澈乙酉遣兵部員外郎江端友等撫諭閩浙湖廣江淮京東西諸路及體訪官吏貪廉軍民利病許翰罷丁亥博州卒官儀作亂犯萊州九月己丑建州軍校張員等作亂執守臣張勳轉運副使毛奎爲所殺判官曹仔嬰城自守范瑄捕斬李孝忠於復州壬辰以金

入犯河陽犯水軍詔擇日巡幸淮甸鎮建炎通寶錢
命淮浙沿海諸州增修城壁招調民兵以備海道甲
午命揚州守臣呂頤浩繕修城池宗澤往河北視師
七月還是夜辛道宗兵潰於嘉興縣丁酉詔荆襄關
陝江淮皆備巡幸戊戌罷買馬己亥以于粵為檢校
少保集慶軍節度使封魏國公詔內外官司參用嘉
祐元豐勅以俟新書庚子二帝徙居舊郡辛丑陳通
劫提點刑獄周格管殺格執提點刑獄高士瞻王寅
遣徽猷閣待制孟忠厚迎奉太廟神主赴揚州以直
秘閣王圭為招撫判官代張所尋責所廣南安置乙
已宗澤表請車駕還闕戊申河北招撫司都統制王
彥渡河擊金人破之復新興縣己酉以謀報金人欲
犯江浙詔暫駐劄捍禦稍定即還京闕募民入賞
授官軍賊趙萬入常州執守臣何宏罷諸路經制招
撫使庚戌始通當三大錢於淮浙荆湖諸路壬子命
湖南撫諭官馬神持詔賜張邦昌死於潭州併誅王
時雍癸丑詔有敢妄議惑眾沮巡幸者許告而罪之
不告者斬乙卯王彥及金人戰敗績奔太行山聚眾
其裨將岳飛引其部曲自為一軍趙萬陷鎮江府守
臣趙子樞棄城渡江保瓜州是秋金人分兵據兩河
州縣唯中山慶源府保莫邪洛冀磁絳相州久之乃
陷冬十月丁卯帝登舟幸淮甸戊午太后至揚州
己未罷諸路勸誘納錢物庚申罷諸路名募兵
忠義等及寄居官擅集勤王兵者癸亥募盜盜能
併滅賊衆者官之甲子以張浚論辛綱不已落綱觀
文殿大學士止奉官祠知秀州兼權浙西提點刑獄
趙叔近入杭州招撫陳通乙丑罷帥府要郡次要郡

及新軍水軍丁卯以王淵為杭州制置盜賊使統制
官張俊從行庚午次泗州幸普照寺甲戌太白晝見
己卯次楚州賈應麟後軍將孫琦等作亂逼左正言
盧臣中墜水死庚辰命劉光世討鎮江叛兵辛巳以
光世為滁和濠州江寧府界招提盜賊制置使御營
統制官苗傅為使司都統制朝請郎李棣提舉廣西
左右兩江峒丁公事癸未至揚州禁內侍統兵官相
見丙戌王淵張浚誘趙萬等悉誅之十一月戊子李
綱鄂州居住異定軍賊張遇入池州守臣廖祐棄城
遁己丑詔機犯死罪有疑及情理可憫者撫諭官同
提刑司酌情減降先斷後聞壬辰遣王倫等為全國
通問使乙未以張怒為尚書左丞工部尚書顧岐同
知樞密院事丙申曲救應天府宰宿揚泗楚州高郵
軍丙午以張怒為中書侍郎戊申以顧岐為尚書左
丞兼樞密院下侍郎御史中丞許景衡為右丞刑部尚
書郭三益同知樞密院事權密州趙野棄城遁軍校
杜彥據州追野殺之辛亥命福建路增招弓手金人
陷河間府是月軍賊丁進圖壽春府守臣康允之拒
却之十二月丙辰朔命從臣四員充讀官就內殿
講讀丁巳詔諸路提刑司選官即轉運司所在州類
省試進士以待觀策辛酉王淵入杭州執陳通等誅
之王戌青州敗將王定以兵作亂殺帥臣曾孝序癸
亥黏罕犯汴水關西京留守孫昭遠遣將拒之戰歿
昭遠引兵南還尋命部將王仔奉啓運官神御赴行
在甲子改授后父徽猷閣待制邢煥為光州觀察使
乙丑詔凡刑賞大政並經三省其干請墨勅行下者
罪之丙寅張遇犯江州戊辰金人圍棣州守臣姜剛

之固守全兵解去甲戌金人陷同州守臣鄭驥死之
張遇犯黃州己卯金人陷汝州入西京庚辰金人陷
華州辛巳破潼關河東經制使王瓚自同州引兵遁
入蜀丁進詣宗澤降乙酉增置廣西弓手以備邊以
戶部尚書黃潛善為延康殿學士同提舉措置財用
二年春正月丙戌朔帝在揚州丁亥錄兩河流亡吏
士沿河給流民官田牛種戊子金人陷鄧州委撫劉
汲死之辛卯置行在權貨務壬辰金人犯東京宗澤
遣將擊卻之癸巳復明法新科甲午請壽寧寺謁祖
宗神主乙未金人被宋興軍前河東經制副使傅亮
以兵降經略使唐重副總管楊宗閔提舉軍馬陳迥
轉運副使桑景詢判官曾謂提點刑獄郭忠孝經略
司主管機宜文字王尚及其子建中俱死之東平府
兵馬鈐轄孔彥舟叛渡淮犯黃州守臣趙合威拒之
丙申詔自今犯枉法自盜賊者中書籍其姓名罪至
徒者永不錄用金人陷均州守臣楊彥明遁去丁酉
金人陷房州己亥張遇焚真州秘閣修撰孫昭遠為
亂兵所害庚子遣主客員外郎謝亮為陝西撫諭使
兼宣諭使持詔賜夏國張遇陷鎮江府守臣錢伯言
棄城走辛丑內侍邵成章坐輦言大臣除名南雄州
編管金人陷鄭州通判趙伯振死之癸卯金帥萬里
喙陷濰州又陷青州尋棄去丁未詔諭流民潰兵之
為盜賊者釋其罪己酉秦諸將引潰兵入蜀置大散
關使以審驗之庚戌遣考功員外郎傅雱為淮東京
東西撫諭使辛亥王淵招降張遇以所部萬人隸韓
世忠改授顯謨閣直學士孟忠厚為常德軍承宣使
詔凡后族母任侍從官著為令金人從鄧州是月以

中奉大夫劉豫知濟南府金人陷穎昌府守臣孫默爲所殺經制司僚屬王擇仁復未與軍金人陷秦州經略使李復隆又犯熙河經略使張深遣兵馬都監劉惟輔與戰於新店敗之斬其帥黑鋒二月丙辰金人再犯東京宗澤遣統制閻中立等拒之中立戰死戊午移耿南仲於臨江軍金人陷唐州壬戌安化軍節度副使宇文虛中應詔使絕域復中大夫召赴行在癸亥罷市易務甲子金人犯滑州宗澤遣張撝救之戰死乙丑澤遣判官范世延等表請帝還關河北賊楊進等詣澤降丁卯復延康遠古殿直學士爲端明樞密直學士辛未詔自今犯枉法白盜賊罪至死者籍其實壬申赦福州叛卒張員等癸未金人陷蔡州執守臣閻孝忠丙子金人陷淮寧府守臣向子諂死之丁丑遣王凱等充金國軍前通問使戊寅賁隆知鎮江府趙子崧爲單州團練副使南雄州安置己卯奪秘書正字胡瑄官送梧州編管朝奉大夫劉正彥應詔使絕域授武德大夫威州刺史尋爲御營右軍副統制庚申以王淵爲壽德軍節度使辛巳武功大夫和州防禦使馬擴奔真定五馬山岩聚兵得皇弟信王榛於民間奉之總制諸將壬午詔京畿京東西河北淮南路置振華軍八萬人是月成都守臣盧法原修城成三月辛卯金人陷中山府壬辰詔諸路安撫使許便宜節制官吏丁酉初立大小使臣呈試弓馬出官格先閱試然後奏補粘罕焚西京去庚子河南統制官翟進復西京宗澤奏進爲京西北路安撫制置使丙午遙授尚書右射僕何果爲觀文殿大學士中書侍郎陳過庭爲資政殿大學士同知樞密

院事聶昌爲資政殿大學士並主管宮觀時臬已卒於金昌爲人所殺朝廷未之知過庭亦在金軍中丁未罷內外權局官之不應法者還楊應試爲大金高麗國信使己酉張員等復作亂擁衆突城出命本路提點刑獄李玘討捕之辛亥以范壤權同主管侍衛步軍司公事屯真州是月金人陷鳳翔府守臣劉清臣棄城去又犯涇原經略使曲端遣將拒戰敗之金兵走同華石漆尉李彥仙舉兵復陝州夏四月丙辰詔文臣從官至牧守武臣管軍至遙都各舉所知二人戊午禁州縣貢鄭保代輪逃戶稅役宗澤遣將趙世興復滑州乙丑翟進以兵襲金帥兀室於河南兵敗其子亮死之進又率御營統制韓世忠京城都巡檢使丁進等兵戰於文家寺又敗世忠收餘兵南歸兀室復入西京尋棄去隴右都護張巖及金人戰於五里坡敗績死之丁卯金人入洛州壬辰軍敗孫琦焚隨州癸未入唐州信王榛遣馬擴來奏事是月以榛爲河外兵馬都元帥擴爲元帥府馬步軍都總管五月乙酉許景衡罷孫琦犯德安府丙戌命參酌元祐科舉條制立詩賦經義分試法戊子以翰林學士朱勝非爲尚書右丞辛卯以金兵渡河遣韓世忠宗澤等逆戰甲午曲赦河北陝西京東路福建轉運判官謝如意執張員等六人誅之丙申復命宇文虛中爲資政殿大學士充金國祈請使賊新襄寇光山縣戊戌河北制置使王彥部兵渡河屯滑州之沙店癸卯張懋亮甲辰金帥襲宿陷絳州丁未復置兩浙福建提舉市舶司己酉秀州卒徐明等作亂執守臣朱芾迎前守趙叔近復領州事命御營中軍統制張俊

討之癸丑罷借諸路職田六月乙卯邛州鑄錢增印錢引癸亥建州卒葉濃等作亂寇福州甲子親慮囚乙丑張俊至秀州殺趙叔近執徐明斬之甲戌葉濃陷福州丁丑詔江浙沿流州軍練水軍迭戰艦京畿淮甸蝗是以知延安府王庶節制陝西六路軍馬涇原經略使曲端爲節制司都統制求與軍經略使郭球逐王擇仁擇仁奔興元秋七月甲申葉濃入寧德縣復還建州命張俊同兩浙提點刑獄趙哲率兵討之丙戌詔吏部審量京官非政和以後進書頌及直赴殿試人乃聽參選宗澤薨丁亥詔百官坐蔡京王黼擬授而廢者許自新復用戊子禁軍中執日刺心之刑壬辰選江浙州軍正兵士兵六之一赴行在乙未以郭仲荀爲京城副留守戊戌錄內外諸軍將士功辛丑以春霖夏早蝗詔監司郡守條上關政州郡災甚者蠲田賦甲辰以降授北京留守杜充復樞密直學士爲開封尹東京留守八月甲寅初鑄御寶三甲戊御集英殿策試禮部進士罷殿中侍御史馬伸尋責濮州河北京東提殺使李成叛辛巳犯宿州是月二帝徙居韓州九月甲申丁進叛復寇淮西庚寅賜禮部進士李易以下四百五十一人及第出身特奏名進士皆許調官王辰名侍從所舉諸宗澤等二十一人駟赴行在癸巳金人陷冀州將官李政死之甲午金人再犯未與軍經略使郭瑛棄城退保義谷辛丑陝西節制司兵官賀師範及金人戰於八公原敗績死之內午復所減京官奉丁未東京留守統制官薛廣及金人戰於相州敗死己酉郭三益薨是秋窩里囉撻懶破五馬山岩信王榛不知所終馬擴

軍敗於北京之清平冬十月甲寅命揚州藩陞修城
開江淮州郡水軍楊應誠還自高麗戊午遣劉光世
討李成王戊禁江浙開韓癸亥紮軍圍濮州遣韓世
忠范瑄領兵至東平開德府分道拒戰又命馬擴援
之甲子命孟忠厚奉隆祐太后幸杭州楊進復叛攻
汝洛命龍進擊於鳴皋山翟進戰死丙子罷吏部審
量崇寧大觀以來濫賞止令自陳是月劉正彥擊丁
進降之十一月辛巳朔提舉嵩山崇福宮李綱授
單州團練副使萬安軍安置劉光世及李成戰於新
息縣成敗走高麗國王王楷遣其臣尹彥頤入見金
人圍陝州守臣李彥仙拒戰卻之壬辰金人陷延安
府權知府劉選總管馬忠皆遁通判府事魏彥明死
之癸巳趙哲大破葉濃於建州城下濃遁而降復謀
爲變張俊食斬之乙未金人陷濮州執守臣楊粹中
又陷開德府守臣王棟死之以魏行可充金國軍前
通問使庚子諸壽寧寺朝饗祖宗神主壬寅冬至祀
昊天上帝於闕丘以太祖配大赦金人陷相州守臣
趙不試死之甲辰陷德州兵馬都監趙叔敏死之庚
戌立士庶子弟習射補官法是月節制陝西車馬王
庶爲都統制曲端所拘奪其印四川茶馬越開罷官
買賣茶給引通商如政和法金人犯晉寧軍守臣徐
徽言拒卻之知府州折可求以城降金人陷瀋州涇
原兵馬都監吳玠斃斬史斌濱州賊蓋進陷棣州守
臣姜剛之死之京東賊李民詣行在請降王淵殲其
衆雷民爲將十二月乙卯太后至杭州扈從統制苗
傅以其軍八千人駐奉國寺庚申金人犯東平府京
西路制置使權邦彥棄城去又犯濟南府守臣劉豫

以城降甲子金人陷大名府提點刑獄郭永馬敵不
屈死之轉運判官裴億降又陷懷慶府乙丑陷就州
丙寅初命修國史己巳以黃潛善爲尚書左僕射兼
門下侍郎汪伯彥右僕射兼中書侍郎顏岐門下侍
郎朱勝非中書侍郎兵部尚書盧益同知樞密院事
辛未金人犯青州丁丑特進致仕余深金紫光祿大
夫致仕薛昂並分司進昌軍徽州居住耿南仲再責
單州別駕唐格追落觀文殿大學士戊寅以禮部侍郎
張浚兼御營參贊軍事教習長兵是冬杜充決黃
河自泗入淮以阻金兵
三年春正月庚辰朔帝在揚州以京西北路兵馬鈐
轄權輿爲河南尹京西北路安撫制置兼招討使京
西賊黃仲正陷岳州甲申以資政殿學士路允迪簽
書樞密院事丁亥金人再陷青州又陷濰州焚城而
去京東安撫劉洪道入青州守之己丑奉安西京會
聖宮累朝御容於壽寧寺占城國入貢趙大金通問
使李鄴周望來彥通吳德休等往軍前辛卯陝州都
統邵興及金人戰於潼關敗之復就州乙未杜充遣
岳飛桑仲討其叛將張用於城南其徒王善救之官
軍敗績庚子張用王善寇准軍府守臣馮長舉却之
詔百官聞警遺家屬避兵致物情動搖者流丙午黏
罕陷徐州守臣王復及子倚死之軍校趙立結鄉兵
爲興復計御營平寇左將軍韓世忠軍潰於沐陽其
將張遇死世忠奔鹽城金兵執淮陽守臣李寬殺轉
運副使李賊以騎兵三千取彭城間道趣淮甸戊申
至泗州二月庚戌朔始聽士民從便避兵命劉正彥
部兵衛皇子六官如杭州江淮制置使劉光世阻淮

拒金人敵未至自潰金人犯楚州守臣朱琳降辛亥
金人陷天長軍壬子內侍鄭訥報金兵至帝被甲馳
幸鎮江府是日金兵過揚子橋蔡卞游騎至瓜洲太
常少卿季陵奉太廟神主行金兵追之失太祖神主
王淵請幸杭州命留朱勝非守鎮江以吏部尚書呂
頤浩爲資政殿大學士江淮制置使都巡檢使劉光
世爲殿前都指揮使充行在五軍制置使駐鎮江府
控扼江口主管馬軍司楊惟忠節制江東軍馬駐江
寧府是夕發鎮江次呂城鎮金人入真州甲寅次常
州御營統制王亦謀據江寧不克而遁御營平寇前
將軍范瑄自東平引兵至壽春其部兵殺守臣鄧紹
密丙辰次平江府丁巳金人犯泰州守臣曾班以城
降丁進縱兵剽掠王淵誘誅之戊午次吳江縣命朱
勝非節制平江府秀州控扼軍馬禮部侍郎張浚副
之又命勝非兼御營副使留王淵守平江以忠訓郎
劉俊民爲閤門祇候齋書使金軍詔錄用張邦昌親
屬仍命俊民持邦昌貽金人約和書兼以行金人陷
滄州守臣劉錫棄城走己未次秀州命呂頤浩往來
經制長江以龍圖閣待制知江州陳彥文爲沿江措
置使庚申次崇德縣呂頤浩從行即拜同簽書樞密
院事江淮兩浙制置使以兵三千還東京口又命御
營中軍統制張俊以兵八千守吳江吏部員外郎鄭
資之爲沿江防托監察御史林之平爲沿海防托募
海舟守隘壬戌駐蹕杭州金人陷晉寧軍守臣徐徽
言死之癸亥下詔罪己求直言令有司具舟常調迎
濟水冠軍民家屬省儀物膳羞出宮人之無職業者
乙丑降德音赦獲犯死罪已下囚放還士大夫被竄

等以世忠爲定國軍節度使張俊爲武寧軍節度使知鳳翔府張浚責黃州團練副使郴州安置俊等皆不受傳等遣軍駐臨平拒勦王兵壬寅日中黑子沒盧益罷呂頤浩至平江水賊邵青入泗州癸卯太后詔睿聖皇帝宜稱皇太弟天下兵馬大元帥康王皇帝稱皇太姪監國賜傳正彥徽券呂頤浩張浚傳檄中外討傳正彥執黃大本下獄乙巳太后降旨睿聖皇帝處分兵馬重事張俊率兵發平江劉光世繼之丙午張浚同知樞密院事翰林學士李邴御史中丞鄭穀並同簽書樞密院事呂頤浩張浚發平江丁未大吳江奏乞建炎皇帝還卽尊位朱勝非召傳正彥至都堂議復辟傳等遂朝睿聖宮金人陷京東諸郡劉洪道棄青州去捷懶以劉豫知東平府節制河南州郡趙立復徐州夏四月戊申朝太后下詔還政皇帝復大位帝還宮與太后御前殿垂簾詔會太后爲隆祐皇太后己酉詔訪求太祖神主以苗傅爲淮西制置使劉正彥副之庚戌復紀年建炎命張浚知樞密院事苗傅劉正彥並檢校少保呂頤浩張浚軍次臨平苗翊馬柔吉拒戰不勝傳正彥引兵二千夜遁辛亥皇太后撤簾呂頤浩等入見傅犯富陽新城二縣遣統制王德喬仲福追擊之癸未朱勝非頌欽王孝迪張浚路允迪俱罷以呂頤浩爲尚書右僕射兼中書侍郎李邴尚書右丞鄭穀簽書樞密院事甲寅以劉光世爲太尉御營副使韓世忠爲武勝軍節度使御前左軍都統制張俊爲鎮西軍節度使御前右軍都統制勦王所僚屬將佐進官有差主眷殿前司王元左言並責官英賀州安置樞密都承旨馬瑗停

官未州居住吏部員外郎范仲熊浙西安撫司主管
機宜文字時希孟並除名柳州吉陽軍編管斬中軍
統制吳湛工部侍郎王世修於市贈王淵開府儀同
三司乙卯大赦舉行仁宗法度應嘉祐條制與今不
同者自官制役法外賞格從重條約從寬罷上供不
急之物元祐石刻黨人官職恩數追復未盡者令其
家自陳許中外直言丁巳禁內侍交通主兵官及饋
遺假貸借役禁兵干預朝政庚申詔尚書左右僕射
並帶同中書門下平章事改門下中書侍郎為參知
政事省尚書左右丞以李昉參知政事詔行在職事
官各舉所知併省館學寺監等官苗傅犯衢州癸亥
以給事中周望為江浙制置使丁卯帝發杭州苗鄭
數衛皇太后以韓世忠為江浙制置使及劉光世追
討傅正彥己巳詔傅正彥苗圃苗翊張達不赦餘黨
並原王申立子魏國公粵為皇太子赦傅黨王鈞南
馬柔吉罪許其自歸丙子范瑗自光斬引兵屯洪州
是月劉文舜寇漳州西北賊薛慶襲掠高郵軍五月
戊寅朔帝次常州以張浚為宣撫處置使以川陝京
西湖南北路諫之聽便宜黜陟庚辰苗傅統領官張
翼斬王鈞南馬柔吉降辛巳次鎮江府遣祭張懸陳
東墓詔恤其家癸未以翰林學士康康同簽書樞密
院事乙酉至江寧府駐蹕神霄宮改府名建康起復
朝散郎洪皓為大金通問使丁亥以徽猷閣直學士
陳彥文提領水軍措置江浙防托召監珪等速還朝
己丑韓世忠追討傅正彥於浦城縣獲正彥傳遁走
張浚撫諭薛慶於高郵為慶所困乙未浚罷以御營
前軍統制王玠為淮南招撫使己亥復置中書門下

省檢正官省左右司郎中一員苗傅將江池殺苗
翊降於周望傳走建陽縣土豪倉標執之以獻辛丑
張浚還自高郵復命知樞密院事是月翟興舉殺楊
進餘黨復推其徒劉可拒官軍六月戊申朔以東京
留守杜充引兵赴行在命兼宣撫處置副使節制淮
南京東西路己酉以久雨召郎官已上言關政呂頤
浩請令實封以聞遂用司勳員外郎趙鼎言罷王安
石配享神宗廟庭以司馬光配王善政准事府不克
轉寇宿州統領王冠戰敗之甲寅罷實功司乙卯命
恤死事者家且錄其後升浙西安撫使康允之為制
置使丙辰劉光世招安苗傅將韓簡戊午命江浙淮
南引塘濠開畝澮以阻金兵庚申皇太后至建康府
辛酉以久陰下詔以四失罪己一日昧經邦之大略
二日昧裁難之遠圖三日無綏人之德四日失馭臣
之柄仍榜朝堂徧諭天下使知朕悔過之意以帝御
器械李質權同主管殿前司乙丑以建康府路安撫
使連南天兼建康府宣徽太平等州制置使丁卯右
司諫袁植請誅黃潛善及失守者權邦彥等九人詔
朕方念咎責己豈可盡以過失歸於臣下遂罷植知
池州以趙鼎為右司諫癸酉置樞密院檢詳官以右
司郎中劉寧止為沿江措置副使甲戌移御行宮乙
亥詔諭中外以迫近防秋請太后率宗室迎奉神主
如江表百司庶府非軍旅之事者並令從行朕與輔
臣宿將備禦寇敵應接中原官吏士民家屬南去者
有司毋禁金人陷磁州是夜賊貴仲正降秋七月戊
寅贈王玠為資政殿學士己卯親慮因辛巳苗傅劉
正彥伏誅癸未進韓世忠檢校少保武勝昭慶軍節

度使御營使司都統制范瑗自洪州入朝以瑗為御
營使司提舉一行事務後軍統制辛企宗為都統制
命學士院夏國書大金國表本付張浚甲申詔以
苗劉之變當軸大臣不能身衛社稷未勝非頤岐路
允迪並落職張浚衡州居住以知廬州胡舜陽為淮
西制置使知江州權邦彥兼本路制置使金人犯山
東安撫使劉洪道兼濰州通萊州守將張成舉城降
丁亥以范瑗跋扈無狀收下大理獄分其兵隸神武
五軍皇太子薨諡元懿戊子鄭穀薨己丑以資政殿
大學士王綱參知政事兵部尚書周望同簽書樞密
院事庚寅仙井監鄭真進士李時雨上書乞選立宗
子係屬人心帝怒斥還鄉里辛卯升杭州為臨安府
壬辰言者又論范瑗逼遷徽宗及迎立張邦昌瑗辭
伏賜死子弟皆流嶺南劉洪道復青州執金守向大
猷乙未遣謝亮使夏國丁酉遣崔縱使金軍前庚子
張浚發行在辛丑王玠與斬賽遇合戰敗續王寅命
李昉勝康權知三省樞密院事扈從太后如洪州楊
惟忠將兵萬人以衛以杜充同知樞密院事兼宣撫
處置副使己巳詔江西廣南荆湖諸路團教峒丁槍
杖手山東賊郭仲威陷淮陽軍翟興引兵入汝州與
賊王俊戰敗之八月己酉移浙江安撫司於鎮江府
庚戌李昉罷壬子以吏部尚書劉珪為端明殿學士
權同知三省樞密院事甲寅王庶罷以徽猷閣直學
士知慶陽府王似為陝西節制使劉文舜入舒州己
未太后發建康丁卯遣杜時亮使金軍前閏八月丁
丑朔以胡舜陽為沿江都制置使集英殿修撰王義
叔副之丁亥輔達掠連水軍殺軍使郝璘率降於

王璣已丑以呂頤浩守尚書左僕射杜充守右僕射並同中書門下平章事庚寅起居郎胡寅上書二十事呂頤浩不悅能之辛卯命杜充兼江淮宣撫使守建康前軍統制王玠之韓世忠為浙西制置使守鎮江劉光世為江東宣撫使守太平池州並受充節制丁酉太后至洪州己亥減福建廣南歲上供銀三之一詔制置使唯用兵聽便宜餘事悉禁壬寅帝發建康復還浙西張俊辛金宗以其軍從甲辰次鎮江府屬陳東家金張浚大襄陽招官軍義兵分屯襄鄂唐鄧以程千秋李九文節制是月知濟南府宮儀及金人數戰於密州兵潰儀及劉洪道俱奔淮南守將李達以密州降金斬奏詣劉光世降九月丙午朔日有食之謀報金人治舟師將由海道窺江浙遣韓世忠控守關山福山辛亥太平江府壬子金人陷單州與仁府遂陷南京執守臣凌唐佐降之癸丑以周望為兩浙荆湖等路宣撫使總兵守平江翰林學士張守同簽書樞密院事命劉光世移屯江州丙辰遣張邵等充金國軍前通問使金人陷沂州却高麗入貢使張浚承制罷知潭州辛炳起復直龍圖閣向子諤代之丁巳錫諸路苗積欠錢辛酉知鼎州邢侗坐結耶律余覲再責汝州團練副使英州安置癸亥賜宿泗州都大提舉使李成軍絹一萬匹成尋復叛己巳以胡舜陟為宣撫司參謀官知鎮江府陳邦光為沿江都制置使庚午以工部侍郎湯東野知平江府兼浙西制置使辛未追復鄭浩龍圖閣待制壬申夜潭州禁卒作亂謀竄不果向子諤隨招安之甲戌金帥襄宿犯長安經略使郭瑛棄城遁河北賊鄭瓊

聞光州冬十月丙子朔詔按察官歲上所發隨賊吏姓名以為殿最庚辰禁諸軍擅入川陝癸未帝至杭州復如浙東庚寅渡浙江郭仲威請周望降望以仲威為本司統制辛卯李成陷滁州殺守臣向子俊壬辰帝至越州癸巳命提舉廣西峒丁李楨市馬邕州置牧養務戊戌初命東南八路歲收經制五項錢輸行在張浚治兵於興元府金人陷壽春府庚子陷黃州守臣趙令哉死之辛丑張浚以同主管川峽峽馬趙開為隨軍轉運使專總四川財賦金人自黃州濟江劉光世引軍通知江州韓杞棄城去金人自大治縣趨洪州是月京西賊劉滿陷信陽軍殺守臣趙士貞盜入宿州殺通判盛修己十一月乙巳朔金人犯廬州守臣李會以城降王善叛降金金人執之丁未詔降穰犯死罪釋流以下囚聽李綱自便追復宋齊愈官賁仲正犯荆南兵馬鈐轄逮成與戰斬之戊申金帥兀朮犯和州守臣李儒以城降通判唐瑛死之己酉張浚出行關陝兀朮陷無為軍守臣李知幾棄城走壬子太后退保處州江西制置使王子猷棄洪州走丁巳金人陷臨江軍守臣吳將之遁戊午遣孫悟等充金國軍前使書使金人陷洪州權知州事李積中以城降撫袁二州守臣王仲山王仲疑皆降淮賊劉忠犯斬州韓世清逃戰破之忠入舒州殺通判孫知微庚申金人陷吳州守臣向子恣棄城去辛酉太后至吉州壬戌金人犯建康府陷溧水縣尉潘振死之癸亥金人陷太平州主督步軍司閻劬自西京奉累朝御容至行在詔奉安於天慶觀尋命劬節制淮西軍馬以拒金人甲子杜充遣都統制陳沆岳飛

等及金人戰於馬家渡王璣以軍先遁沆敗績死之乙丑以檢正諸房公事傅椿卿為浙東防遏使太后發吉州次太和縣護衛統制杜彥及後軍楊世雄率衆叛犯未豐縣知縣事趙訓之死之金人至太和縣太后自萬安陸行如虔州丁卯下詔回浙西迎敵金人犯吉州守臣楊淵棄城走又陷六安軍己巳帝發越州次錢清鎮庚午復還越州以周望同知樞密院事仍兼兩浙宣撫使守平江殿前都指揮使郭仲荀為副使守越州右軍都統制張俊為浙東制置使從行御史中丞范宗尹參知政事辛未兀朮入建康府守臣陳邦光戶部尚書李悅迎拜通判楊邦乂拒之癸酉帝如明州金人犯建昌軍兵馬監押蔡延世擊卻之甲戌兀朮殺楊邦乂韓世忠自鎮江引兵之江陰軍江淮宣撫司潰卒李選攻陷鎮江淮西兵馬都監王宗望以濠州降於金是月張浚至秦州桑仲自唐州犯襄陽京西制置使程千秋敗走仲遂據襄陽十二月乙亥朔張浚承制廢積石軍丙子帝至明州丁丑江淮宣撫司準備將戚方擁衆叛犯鎮江府殺守臣胡唐老辛巳金人陷常州守臣周杞遣赤心隊官劉晏擊走之陷廣德軍殺守臣周烈劉光世引兵趨南康軍壬午定議航海避兵禁卒張寶等憚行謀亂命呂頤浩等伏兵執寶等十七人斬之甲申張浚承制拜涇原經略使曲端為威武大將軍宣撫處置使司都統制乙酉兀朮犯臨安府守臣康允之棄城走錢塘縣令朱輝死之己丑帝乘樓船次定海縣給行在諸軍雪寒錢辛卯留范宗尹趙鼎於明州以候金使癸巳帝次昌國縣乙未杜彥犯潭州殺通判孟

彥卿趙民彥金人屠洪州戊戌金人犯越州安撫使李鄴以城降衛士唐琦袖巨石要擊金帥巷八不克死之郭仲荀棄軍奔溫州庚子移幸溫台癸卯黃潛善卒於英州李成自滁州引兵之淮西

四年春正月甲辰朔御舟碇海中乙巳金人犯明州張俊及守臣劉洪道擊却之丙午帝次台州章安鎮己酉遣小校自海道如處州問安太后庚戌金人再犯明州張俊引兵去浙東副總管張思政及劉洪道繼通奏丑貶郭仲荀汝州團練副使廣州安置丙辰詔原兩浙州郡降金官吏丁巳遷宿陷陝州守臣李彥仙死之己未金人陷明州夜大雨震電乘勝破定海以舟師來襲御舟張公裕以大舶擊退之辛酉發章安鎮壬戌雷雨又作甲子泊溫州港口乙丑以中書舍人李正民為兩浙湖南江西撫諭使詣太后問安丁卯台州守臣吳公為棄城遁處州衛兵及鄉兵相殺縱火肆掠三日劉可轉寇京西屢為桑仲所敗至是為其黨所殺復推劉超據荆門軍戊辰滕康劉玘罷仍奪職己巳換給僧道度牒人輸錢十千辛未命臣僚條具兵退之後措置之策駐蹕之所是月金人攻楚州守臣趙立拒之金人犯鄆州曲端遣涇原路副總管吳玠拒戰敗之于彭原又陷同州張浚遣謝亮復復國至則其主乾順已稱制遂遣二月甲戌朔鄭瑄率眾降於劉光世叛將傳詣處州乞降乙亥奉安祖宗神御於福州詔復以盧益為資政殿學士李回端明殿學士並權知三省樞密院事金人陷潭州將吏王陳劉价趙聿之戰死向子謹率兵奪門亡去金兵大掠屠其城丙子金人自明州引兵還臨

安發未度州鄉兵首領陳新率眾數萬圍城坂將胡友亦犯度州與新戰破之新乃去甲申禁逃卒投刺別軍丙戌金人自臨安退兵命劉光世率兵追之丁亥金人陷汴京權留守上官悟出奔為盜所殺庚寅帝次溫州浙東防遏使傅崧卿入越州辛卯金人陷秀州甲午知蔡州程昌寓棄城南歸鼎州民鍾相作亂自稱楚王乙未杜充罷丙申以金兵退肆赦張浚承制以陝西制置使王似知成都府罷諸路武臣提點刑獄李成入舒州金游騎至平江周望奔太湖守臣湯東野亦遁茶陵縣軍賊二千餘人犯郴州未與縣戊戌金人入平江縱兵焚掠辛丑白虹貫日鍾相陷潭州殺守臣黃宗權湖北制置使傅雱招諭孔彥舟彥舟聽命因為湖南南北提殺使荆南守臣唐愬棄城去金人陷醴州守臣王淑棄城去是月張浚自秦州引兵入援三月癸卯朔孔彥舟入鼎州金人去平江統制陳思恭以舟師邀敗其後軍於太湖呂頤浩請幸浙西丙午趙鼎言金兵去未遠遂緩其行丁未命發運司說諭兩浙富民助米以備巡幸辛亥遣兵部員外郎馮康國等撫諭荆湖南湖北廣南諸路壬子金人入常州守臣周杞棄城去甲寅遣盧益及都營都統制辛企宗率迎太后東還丙辰金人犯終南縣經略使鄭思戰敗死之丁巳金人至鎮江府韓世忠屯焦山寺邀擊之詔侍從官各舉可充監司者一二人辛酉御舟發溫州宣撫司節制軍馬李允文部兵至鄂州御營前軍將楊劬叛甲子張浚請便宜辟官不許衛改戊辰孔彥舟擊敗鍾相擒及其子子昂檻送行在己巳賊方昭廣德軍殺權通判王僞夏

四月癸酉錫江西州縣兵盜殘破民家夏稅戊寅吳玠及金人戰於鄆州彭原店敗績部將楊晟死之己卯以觀文殿學士朱勝非為江西湖南湖北宣撫使是日張浚引兵至房州知金兵近乃還癸未帝駐越州甲申下詔親征巡幸浙西韓世忠駐軍楊子江要金人歸路屢敗之兀朮引軍建康乙酉以御史中丞趙鼎為翰林學士鼎固辭不拜戚方圍宣州劉光世遣統制王德誨誅劉文舜於饒州丙申用趙鼎劾奏呂頤浩罷為鎮南軍節度使使使觀使命三省樞密院同班奏事韓世忠及兀朮再戰江中金人乘風縱火世忠敗績兀朮渡江屯六合縣丁酉復以趙鼎為御史中丞戊戌張明州被兵民家己亥以張浚為浙西江東制置使辛丑王德被妖賊王宗石於信州貴溪縣執其渠帥諸縣悉平是月金人犯江西者自荆門軍北歸留守司同統制牛革潛軍寶豐擊敗之五月甲辰以范宗尹為尚書右僕射兼御營使辛亥統領赤心隊軍馬劉晏及戚方戰於宣州敗死壬子金人焚建康府執李悅陳邦光而去淮南宣撫司統制岳飛邀擊於靜安鎮敗之是夜紫微垣內有赤雲互天白氣貫其中癸丑詔臺諫等官各舉所知二人以張守節知政事趙鼎簽書樞密院事以白金三萬兩賜韓世忠軍賸戰殲將孫世詢嚴未吉張淵等官甲寅金人陷定遠縣執閻劼去勒不屈死之巨師古擊戚方於宣州敗之方引去乙卯王綢罷丁巳命劉光世移軍捕戚方楊劬犯婺州戊午復置權尚書六部侍郎癸亥詔中原淮南流寓士人聽所在州郡附試甲子周望罷尋分司衡州居住置京畿淮南湖北

京東西路鎮撫使乙丑升高郵軍爲承州以翟興五汝趙立劉位趙霖李成吳翊李彥先薛慶並爲鎮撫使與河南府汝唐州立楚泗州連水軍位滁濠州蒙和州無爲軍成舒新翊光黃州彥先海州淮陽軍慶承州天長軍丁卯慶及金人戰於承州城下累敗之戊辰命江浙州縣祭戰死兵民分江東西爲鄂州江州池州三路置安撫使罷諸路帥臣兼制置使諸州守臣兼管內安撫使是月劉超據荆南分兵犯峽州又合叛將彭筠犯復州淮西敗將崔增陷焦湖水砦河東北經制使王俊舉兵及金人戰於襄城縣敗之復穎昌府張浚承制以金房州諫利路六月辛未朔獨紹興府三縣湖田米詔侍從臺諫諸將集議駐蹕事宜楊勅犯處州癸酉遣統制陳思恭討勅命江南兩路轉運爲都轉運使再貶周望昭化軍節度副使連州安置甲戌罷御營司以范宗尹兼知樞密院事乙亥王瓚遣統領林閏等追襲楊勅於東陽縣軍敗裨將李在死之丁丑以劉光世部兵爲御前巡衛軍光世爲都統制楊勅等焚建州城方犯湖州安吉縣詔張俊捕之戊寅更御前五軍爲神武軍御營五軍爲神武副軍以知建康府權邦彥爲淮南等路制置發運使除濠鎮撫使劉位爲賊張文孝所殺命其子綱襲職庚辰置鎮撫使六人陳規德安府復州漢陽軍解潛荆南府歸陳州荆門公安軍程昌萬鼎澧州陳求道襄陽府鄧隨鄂州范之才金房州馮長寧淮寧順昌府蔡州辛巳應四申命有司討論釐正崇寧以來濫賞罷諸州添差通判職官癸未召劉光世赴行在甲申岳飛破戚方於廣德軍乙酉鍾相爲將

胡源引兵入慈利縣執其黨陳誠來降丙戌以呂頤浩爲建康路安撫大使劉光世爲兩浙路安撫大使朱勝非爲江州路安撫大使郭仲威爲真揚州鎮撫使廖方詣張俊降庚寅召韓世忠率兵赴行在辛卯妖賊王宗石等伏誅壬辰權密州都巡檢徐文率部兵泛海來歸甲午置樞密院幹辦官四員乙未郭仲威犯鎮江府遣岳飛擊之是月兀朮聞張浚在秦州將舉兵北伐自六合引兵趨陝西秋七月癸卯劉光世援宣撫使例乞便宜行事不許詔軍興以來諸州得便宜指揮者並罷乙巳馮長寧復順昌府張浚罷曲端都統制丁未以劉世光爲集慶軍節度使開府儀同三司戊申以孔彥舟爲辰沅靖州鎮撫使張浚獻黃金萬兩助軍用宣撫司遣統制官呂世存王俊復鄭州其餘州縣多迎降後軍將王開叛陷歸州鈴轄田祐恭擊敗之己酉王開犯房州守臣韋知幾棄城走庚戌楊勅受劉光世招安尋復叛去迫泉州癸丑崔增犯太平州守臣郭偉拒却之乙卯金人徙二帝自韓州之五國城劉光世乞移司平江不許丙辰張俊合諸將戚方等兵萬餘赴行在丁巳申命元祐黨人子孫於州郡自陳盡還當得恩數韓世忠張俊並罷己未禁閩廣淮浙海舶販山東慮爲金人鄉導詔江浙福建州縣諭豪右募民兵據險立柵防遏外寇庚申以岳飛爲通泰州鎮撫使辛酉建州民范汝爲作亂命統制李捧捕之乙丑復李邦彥以下十九人官職聽自便復李綱銀青光祿大夫許翰顏岐端明殿學士張浚貶曲端陷州居住丁卯金人立劉豫爲帝國號齊戊辰罷提領措置茶鹽司己巳詔王

環部兵屯信州程昌萬遣將杜湛禽李合戎於松滋縣是月張用據漢陽軍沿江措置副使李允文招降之以便宜徙鄂州路副總管以右軍統制馬友知漢陽軍八月辛未朔以禮部尚書謝克家參知政事壬申李成請降於江州詔撫納之張浚停程千秋官文州緝管癸酉選神武中軍親兵六百人番直禁中甲戌詔侍從官日一員輪直進故事開治體者丁丑以韓世忠爲檢校少師武成威德軍節度使張俊檢校少保寧武昭慶軍節度使贈監察御史常安民爲左司諫江公望左諫議大夫錄其後二人庚辰太后至自虔州薛慶及金人戰於揚州城下死之郭仲威奔興化縣辛巳侍御史沈與求戶部侍郎李陵以論宰相范宗尹皆黜宗尹復視事癸未盧益罷張浚復永興軍再貶曲端海州團練使萬州安置甲申陳萬信餘黨雷進作亂乙酉焚慈利石門二縣以御營司參議官王擇仁權河東制置使山砦首領章忠侖爲都統制宋用臣馮興同都統制丙戌命李成吳翊捍禦上流翊棄城去以成爲泗州鎮撫使命李捧便道過信州招捕斬饗戎子以饒信妖賊平放二州徒以下囚獨民今年役錢貶滕康末州劉玘衡州並居住己丑詔岳飛救楚州仍命劉光世遣兵往援辛卯杜湛渡江討羣賊復石首等五縣壬辰盜入梅州殺守臣沈同之大掠而去癸巳命福建安撫使程遇會兵討范汝爲甲午知號州邵興遣統制閻興及金人戰於解州東慶破之金人陷承州命陳思恭屯兵明州以防海道劉光世遣王德鄭瑄以輕兵渡江乙未遇金游騎於召伯陵敗之戊戌以桑仲爲襄陽鄧隨鄂州

鎮撫使是月罷提舉廣西峒丁孔彥舟入潭州宣撫司參議官王以寧率兵拒之以寧敗遁去宣撫司主管機宜文字傅芳在彥舟軍中承制以彥舟權湖南副總管劉綱以乏食率兵奔漢陽九月辛丑呂頤浩入見請益兵命王璉巨師古顏孝恭兵隸之分屯境內壬寅詔諸路決囚甲辰徽宗皇后鄭氏崩於五國城戊申命秦鳳將關師古領兵赴行在劉綱僭位於北京庚戌禁宣撫司條屬便宜行事及京西湖南北路勿隸川陝宣撫司節制癸丑涇原同統制李彥琦及金人戰於洛河車渡敗之乙卯罷中書門下省檢正官桑仲陷均房州進犯白土關丙辰復增左右司郎官為四員金人攻楚州趙立死之丁巳趙霖復和州李成遣馬進犯興國軍戊午荆襄賊趙延壽犯德安府陳規拒却之己未金均房安撫使王彥及桑仲戰於平麗縣敗之王爾諧彥降辛酉李捧擊范汝為於建州官軍皆潰擇遁去金人犯揚州統制靳賽逆戰於港河敗之金人陷延安府執呂世存又陷保安軍癸亥張浚遣都統制劉錫統五路兵及金將某宿戰於富平縣浚駐邠州督戰官軍敗績丙寅給劉光世犒軍銀二萬兩絹二萬匹戊辰趙延壽薨邠州金人陷楚州鎮撫使李彥先來救兵敗死之冬十月庚午朔張浚斬環慶經略使趙哲於邠州貶劉錫合州安置命諸將各領兵歸本路浚遣保秦州陝西大賈辛未蔡檜自楚州金將捷懷軍中歸於連水軍丁禔水砦王申命楊惟忠王璉討李成丙子以孔彥舟為關漢辰沅靖州鎮撫使戊寅鍾相餘黨楊華舉兵圍桃源縣己卯馬進犯江州癸未程昌萬入鼎州擊楊

華破之甲申趙劉光世救楚州丁亥以李同知樞密院事庚寅遣前御史臺檢法官謝翥招范汝為召張浚以兵入援追復李邦彥觀文殿大學士辛卯度州賊李敦仁及弟世雄舉兵破處州石城縣甲午命楊惟忠率兵屯江州乙未岳飛破金人於承州丙申詔劉光世節制諸鎮守禦通秦州何便襲金人過淮是月馮長寧棄城去尋以淮寧附劉豫江東賊張琪犯建康府劉洪道招降之環慶路統制畢清叛附於夏國涇原統制張中查經略司幹辦趙彬叛降金人劉忠據岳州平江縣白面山王善餘黨祝友擁衆為亂屯潞州襲家城十一月癸卯暮清遂引金人圍環州呂頤浩復南康軍甲辰趙鼎罷乙巳蔡檜入見丙午岳飛棄秦州渡江丁未金人犯秦州飛退保江陰軍沙上以御史中丞富直柔簽書樞密院事蔡檜為禮部尚書李允文殺岳州守臣袁植呂頤浩會楊惟忠與馬進戰南康軍不利戊申頤浩遣巨師古救江州為進所敗師古奔洪州金人陷涇原經略使劉錫退屯瓦亭己酉以孔彥舟為湖南副總管部兵屯潭州庚戌命神武副軍都統制辛企宗討范汝為壬子日南至率百官遙拜二帝乙卯改樞密院幹辦官為計議官丙辰金人陷秦州丁巳通州守臣呂仲棄城去王彥攻桑仲於黃水破之房州平張浚以彥為金均房州鎮撫使崔增犯池州劉洪道遣統制李貴擊走之增以兵萬餘詣呂頤浩降甲子詔諸路守臣節制管內軍馬丙寅金房州賊郭希犯歸州田祐恭擊卻之命王璉部兵萬人速援呂頤浩祝友渡江大掠是月張浚退軍興州秦鳳副總管吳玠收餘兵保大

散關東和尚原詔諸路轉運司括借寺觀田租蘆場三年十二月庚午安南請入貢卻之辛未遣度支員外郎韓球括饒信諸州錢糧凡江湖川廣上供皆拘之王申命孔彥舟援江州丙子禁節制軍馬守臣便宜行事丁丑馬進分兵犯洪州乙丑李敦仁犯撫州崇仁縣命李山張中彥討之王辰金人犯熙州總管劉惟輔戰敗之殺五千餘人甲午再犯熙州惟輔軍潰被執死之乙未以張俊為江南招討使討李成丁酉范汝為降詔補民兵統領是月張俊承制復海州圍練副使曲端左武大夫興州居住是歲宣撫處置司始令四川民歲輸軍實絹三十三萬匹有奇

欽定古今圖書集成明倫彙編皇極典

第九十六卷目錄

帝紀部彙考九十

宋十二

高宗二

皇極典第九十六卷

帝紀部彙考九十

宋十二

高宗本紀一

按宋史高宗本紀紹興元年春正月己亥朔帝在越州帥百官遙拜二帝不受朝賀下詔改元釋流以下囚復賢良方正直言極諫科獨兩浙夏稅和買總額絲綿減閭中上供銀三分之一戊申改命張俊為江淮路招討使復江池路為江東西路分荆湖南諸州為荆湖東西路置安撫司治池江鄂鼎州江南東西路各置轉運司荆湖東西路轉運司通掌兩路財賦以呂頤浩為江東路安撫大使朱勝非江西路安撫大使馬進陷江州守臣姚舜明棄城走端明殿學士王易簡等一百人皆遇害己酉岳飛引兵之洪州金人犯揚州謝翱率范汝為討平建陽賊劉時舉金人犯泰州吳玠擊敗之庚戌又犯西寧州守臣俱重迎降辛亥謝克家罷于子詔京官知縣並堂除內外侍從各舉可任縣令者二人犯賊運坐自今不歷縣

五八司書集

明倫彙編皇極典第九十六卷帝紀部

令者勿除監司郎官不歷外任者勿除侍從著為令張中孚以原州叛降於金癸丑李敦仁圍建昌軍蔡延世率鄉兵擊退之賊曹成入漢陽軍李允文招之成入鄂州復趨江西丁巳呂頤浩遣王玘增擊賊於湖口大敗之頤浩及楊惟忠引兵趨江州辛酉詔太祖創業垂統德被萬世神宗詔封子孫一人為安定郡王世世勿絕自宣和未至今未舉有司其上應襲封人名依故事舉行金人再圍環州是月張浚復曲端榮州刺史提舉江州太平觀閩州居住尋移恭州二月戊辰朔宜章縣民李冬至二作亂犯英運韶柳諸州祝友降劉光世分其軍以友知楚州庚午改行宮禁衛所為行在皇城司李成黨邵友犯筠州守臣王庭秀棄城去辛未犯臨江軍守臣康傳道壬申初定歲祀天地社稷如奏告之禮癸酉桑仲自襄陽引兵還襄陽丁丑鄧延將李末瑋叛犯慶陽府戊寅蔡州郡統兵官擅招安亂軍盜賊己卯日中有黑子四日乃沒以辛金宗為福建制置使辛巳以秦檜參知政事壬午水賊張榮入通州癸未詔辛金宗及謝翥罷遣范汝為兵汝為不聽命甲申詔王玘張俊擒角計捕馬進等賊丙戌復置秘書省己丑命孔彥舟呂頤浩張俊會兵討李成壬辰兩省察已邵青寇宣州丙申詔諸路提刑司以八月類省試張浚亦以便宜合川陳舉人即置司類省試丁酉宣教郎范壽坐誣訟孟忠厚且及太后除名潮州編管是月李敦仁犯汀州馬友遣其黨犯鄂州總管張用拒卻之李允文以友權湖南招提公事友大掠漢陽而去過岳州守臣吳錫通友據之三月戊戌朔以嚴衛二州守臣

柳約李處勳有治効各進職一等呂頤浩遣崔增王璣合兵擊李成於湖口大敗之庚子張浚以富平之敗上疏待罪詔免王寅禁諸路過關丙午張俊楊沂中岳飛渡江擊馬進大敗之孔彥舟焚掠潭州趙衡州己酉李成犯饒州庚戌張俊楊沂中復擊馬進於筠河敗之復筠州進奔江州男子崔紹祖詐稱趙王中子受上皇詔為天下兵馬大元帥趙霖以聞辛亥詔赴行在命劉光世兼淮南京東路宣撫使治揚州經畫屯田光世迄不行甲寅罷諸州免行錢乙卯金人破隋州庚申劉越犯澧州統制杜湛率兵拒之甲子始下詔罪李成募人會斬赦脅從者張俊追馬進至江州進戰敗遁去乙丑進復江州楊沂中趙霖引兵追擊進又大敗之成奔蘄州振淮南京東西流民荆湖東路安撫使向子諲說降馬友與共討李冬至二平之是月金人攻張榮縮頭湖水砦榮擊敗之來告捷劉光世以榮知秦州金人迫興州張俊退保閬州以端明殿學士張深為四川制置使及參議軍事劉子羽趙益昌參謀官王燕為龍圖閣待制知興元府兼利夔兩路制置使節制陝西諸路桑仲以其黨李道知隨州夏四月己巳張浚承制分利閬劍文政五州為利州路置經略安撫使庚午張琪復叛犯富塗縣金將捷懶渡淮屯宿遷縣馬榮湖王申太白晝見乙亥劉光世復楚州隋州統制杜肇復隋州馬友引兵入潭州戊寅杜琪棄潭州劉超入據之己卯金涇原帥趙彬犯耀州守臣趙澄擊走之淮賊寇宏犯濠州庚辰隆祐皇太后崩癸未桑仲陷鄧州守將譚克棄城走河東招提使王俊引兵來援仲執斬之以

二七二六

其黨李橫知州事乙酉爲太后制暮年服辛卯聖臣三上表始聽政癸巳命向子諶發兵及廣西安撫許中同扼險要防孔彥舟入廣仍許脅從自新以招諭之是月京西賊李忠陷商州守臣楊伯孫棄城走呂頤浩遣統制閻卓通判建昌軍蔡延世襲擊李敦仁會其弟世雄世臣五月丙辰朔獨江西路被賊州縣賦稅丁酉詔呂頤浩朱勝非劉光世並兼淮南諸州宣撫使始奉李成官戊戌以張用爲舒新鎮撫使癸卯作大宋中興實成金人犯和尚原吳玠擊敗之丙午初復召試館職之制劉光世遣統制王德襲揚州執郭仲威以獻伏誅辛亥水軍統制邵青叛國太平州趙彬及金人合兵圍慶陽府守臣楊可昇擊敗之甲寅命知南外宗正事令廣選年幼宗子將育於宮中詔收者戶長役錢已未詔州縣因軍期徵取民財物者立式榜示禁過數僅擾庚申孔彥舟引衆過潭州馬友迎擊大敗之彥舟趨岳州犯鄂州李允文以彥舟爲勦東副總管屯漢陽辛酉以直祿閣宗綱爲荆南鎮撫司措置營田官樊賓爲副壬戌劉光世招降邵青趙延壽據分寧縣呂頤浩招降之是月張俊及李成戰於黃梅縣殺馬進成敗通歸劉豫李忠諱亮各率兵歸張俊浚命王庶分其兵張用復叛寇江西岳飛招降之湖州進上吳木上書論辛執送徽州編管六月己巳始書承直修武郎以下官壬申冊諡皇太后日昭慈獻烈甲戌張琪犯餘杭州又犯宣州乙亥月犯心庚辰湖賊楊華楊廣犯鼎州程昌萬拒御之上虞縣丞黃亮上書請選立繼嗣壬午權橫昭慈獻烈皇后於越州張琪犯徽州守臣郭東棄城

去琪入據之癸未張浚引大兵至瑞昌縣之丁家洲李允文自鄂部兵歸浚浚并其兵護允文赴行在邵青率舟師至鎮江甲申復叛去丁亥崇安民廖公昭合范汝爲餘黨熊志寧作亂衆既散志寧復與建陽民丁朝佐合兵陷一縣戊子慮囚己丑邵青犯江陰軍之福山遣海州鎮撫使李進彥中軍統制耿進率舟師會劉光世討之南安賊吳忠未破璵劉洞天作亂庚寅江西提刑司遣官討之破壇洞大皆伏誅忠遁去癸巳熙河統制關師古洮東安撫郭玠同討熙州叛兵連敗之甲午廣賊鄧慶麟富國南雄州守臣鄭成之率兵民以拒獨建劍汀州邵武軍租是月知號州邵興屯盧氏縣爲河南統制董先所破走與元先遂取商號二州張浚承制以吳玠爲陝西諸路都統制時關隴六路盡陷止餘階成岷鳳洮五郡鳳翔之和尚原隴州之方山原黏罕既得陝西地悉與僞齊秋七月乙未朔以馬友權荆湖東路副總管趙計孔彥舟統制潘遠後軍將胡江等叛破玉山弋陽永豐三縣遣樞密院準備將領徐文討之戊戌吳錫復入邵州庚子以岳飛爲神武右副軍統制雷州彈壓盜賊辛丑封伯右武衛大將軍令話爲安定郡王壬寅虔州賊陳順作亂命趙鼎之甲辰詔秘書省長貳通修日曆丙午劉光世遣將喬仲福擊邵青於常熟爲所敗捷懷自宿遷北歸戊申韓世清追襲張琪復祁門縣庚戌張俊執傳秀赴行在張浚以曲端屬吏以武臣康履提點襄陽路刑獄與王庶議治之辛酉召呂頤浩赴行在張琪犯饒州頤浩遣閻卓擊敗之琪黨姚興降琪走徽州癸亥范宗尹罷是月珍州

守臣李玠棄城去王彥數戰敗李忠趙彬來歸張浚承制以彬爲陝西轉運使又以涇原兵馬都監李彥琪爲本路副總管彥琪尋叛去八月丙寅以孔彥舟爲新黃鎮撫使丁卯以知潭州吳敏爲荆湖南西廣南路宣撫使張浚殺曲端於恭州獄張用部兵至瑞昌歸張浚浚以用爲本軍統制戊辰張守等上紹興重修勅令格式癸酉復以汪伯彥爲江東安撫大使乙亥呂頤浩遣將李鑄復舒州丁丑附昭慈獻烈皇后神主於溫州太廟戊寅張守罷以李回兼知政事富直柔同知樞密院事庚辰杜湛及劉超戰於彭山爲所敗辛巳超及楊華楊廣合兵復寇鼎州程昌萬遣湛率舟師擊敗之遣辛企宗移軍福州討熊志寧胡江等諸賊韓世清及張琪戰世清敗琪復入祁門縣壬午命張俊遣兵捕之鑄紹興錢癸未詔許邵青張琪脅從徒黨自新乙酉以李成在順昌恐復謀亂遣使齎書諭准軍蔡州將士立賞格募人禽斬成丁亥以秦檜爲尚書右僕射同中書門下平章事兼知樞密院事庚寅復李綱資政殿大學士募人往京東河南伺察金齊動止仍齎詔慰撫忠義保聚之人蔡州鎮撫使范福棄城去以土豪李祐代之辛卯滿徽州被賊民家夏稅壬辰置三省樞密院賞功房是月知鄂州曹成掠湖西犯沅州與知復州李宏合屯瀏陽既而攻宏宏奔潭州九月甲午朔張琪黨李捧犯宣州守臣李彥卿及韓世清擊却之詔江東西路安撫使復治建康府洪州以王夔知池州楊惟忠知江州並兼管內安撫使率部兵赴官丙申新李世臣己亥以資政殿學士葉夢得爲江南東路安撫大使

梁壽春等六州宣撫使庚子張琪復陷宜州已乃遁去辛丑命王璽計琪丁未詔廣再遣使省謁諸陵因撫問河南將士命馬友移屯鄂州庚戌命宗室右監門衛大將軍士邑朝壽溫州太廟辛亥合祭天地於明堂太祖太宗並配大赦罷諸州守臣節制軍馬錄用元符末上書人子孫癸丑復以呂頤浩爲尚書左僕射同中書門下平章事兼知樞密院事丁巳王彥破李忠於秦郊店忠奔歸劉豫戊午禁福建轉運司抑民出助軍餉落范宗尹觀文殿學士己未初措置河南諸鎮屯田以戶部尚書孟庚爲江東西湖東等路宣諭制置使辛酉詔四方有建策能還兩宮者實封以聞有效者實以王爵壬戌遣御史胡世將督捕福建盜賊是月長星見冬十月乙丑詔蔡京王黼門人實有才能者公舉敘擢李回罷丙寅朱勝非分司江州居住丁卯以李九文忤專殺賜死大理獄己巳王德昭領青降之庚午以孟庚參知政事徵猷閣直學士湯東野爲江淮發運使劉洪道招降李捧董旺壬申置行在大宗正司癸酉兀朮攻和尚原吳玠及弟瑋力戰大敗之兀朮僅以身免丁丑增置諸路武尉戊寅以張俊爲太尉移屯秦州壬午初置見錢關子招入入中以給軍食范汝爲復叛入建州守臣王浚明棄城走辛金宗退屯福州甲申劉超請降以超守光州戊子崔紹祖伏誅詔邵青以舟師赴行在己丑升趙州爲紹興府李成軍正李雲伏誅知承州王林禽張琪於楚州權送行在壬辰錄程頤孫易爲分令癸巳范汝爲犯邵武軍守臣吳必明統制李山率兵拒之衆潰退保光澤縣關師古復秦州復郭

振是月劉豫遣將王世冲寇廬州守臣王章大破之斬世冲曹成及馬友戰於潭州成敗還攸縣王才遣將丁順圍濠州劉光世遣兵攻橫澗山順解圍去十一月乙未葉夢得至建康以詔招王才降之丙申遣內侍撫問孔彥舟桑仲丁酉榜諭福建江西羣盜赦其脅從者戊戌詔移驛臨安以孟庚爲福建江西荆湖宣撫使神武左軍都統制韓世忠副之仍命韓謝翺陸榮赴行在己亥以葉實亮爲監察御史范汝爲犯光澤縣李山走信州辛丑續編紹興太常因華禮桑仲請正劉豫惡逆之罪詔進幸荆南乙巳以右司諫韓璜富直柔賁監潭州稅張琪伏誅庚戌富直柔罷荆湖廣西宣撫使吳敏始受命置司柳州辛亥升康州爲德慶府壬子詔內外侍從各舉所知三人丙辰程昌寓遣杜湛擊楊華敗之命張浚遣使持詔招曹成以所部赴行在己未楊華請降辛酉命吏部侍郎李光節制臨安府內外諸軍壬戌曹成犯安仁縣執安撫使向子諲進攻道州是月前知鄆州李惟德以岷州來歸吳玠始遣人通書夏國十二月乙丑吳敏罷丙寅復置樞密院都承旨范汝爲遣葉澈寇南劍州守臣張翥拒戰大破之己巳遣吏部侍郎傅崧卿爲淮東宣諭使甲戌遣江東安撫司統制郝最顏孝恭討建昌軍賊乙亥辛金宗罷仍追三官率兵赴軍前自效丁丑劉諸路在官積欠詔官戶名田過制者與民均科以岳飛爲神武副軍都統制部兵屯洪州曹成陷道州守臣向子恣棄城走戊寅以韓出求直言增行在職事官職錢道弼部員外郎李應撫諭川陝己卯詔兩浙分東西路置提點刑獄庚辰桑

仲遣兵寇復州守臣祖通棄城去辛巳復置廣西提舉茶鹽司知海州薛安靖殺僞都巡檢使王企中率軍民以城來歸增諸路酒錢以備軍費甲申知龍州范綜統制雷仲舉兵復水洛城己丑起復陝西都統制吳玠爲鎮西軍節度使詔江西安撫司趙兵討捕吳忠是月劉豫遣將王彥充攻壽春府桑仲遣李橫復寇金州王彥拒戰於馬郎嶺大破之均州平蔡州褒信縣弓手許約叛據光州陷州安撫孫注復洮州龔富等圍南劍州

二年春正月癸巳朔帝在紹興府率百官遙拜二帝不受朝賀甲午詔復置賢良方正直言極諫科丙申賜楊邦乂諡曰忠襄韓世忠圍建州丁酉劉諸路元年通稅庚子陝西叛將白常圍岷州關師古率兵破之辛丑韓世忠拔建州范汝爲自焚死斬其二弟餘黨悉平壬寅帝發紹興成釋向子諲丙午帝至臨安府壬子遣韓世忠捕石陂賊癸丑以張俊檢校少保定國軍節度使劉豫遣兵犯伊陽縣翟興及其將李恭合擊敗之曹成犯郴州未與縣己未修臨安城辛酉遣內侍任源撫問張浚江西副總管楊惟忠以楊勛難就招安復謀作亂誘誅之二月甲子楊華復叛擾鼎澧潭三州詔以賞禽捕首領赦貸脅從丙寅命劉光世將銳卒萬人屯揚州經理淮東庚午以李綱爲觀文殿學士湖廣宣撫使仍令岳飛率馬友李宏韓京吳錫等共討曹成諸盜甲戌以吏部尚書李光爲淮西招撫使王璽副之乙亥兩電丙子以施遠謝翺陸榮范汝爲爲遠除名發州編管劉棠城赴行在俱道死了丑分崔增李捧邵青趙延壽李振軍德